

Concello	Parroquia
Cambados	Cambados (Santa Mariña Dozo) Castrelo (Santa Cruz)
Cañiza (A)	Achas (San Sebastián) Cañiza (A) (Santa Tareixa) Couto (San Bartolomeu) Franqueira (Santa María) Parada de Achas (Santiago) Valeixe (Santa Cristina)
Crecente	Albeos (San Xoán)
Fornelos de Montes	Oitavén (San Vicente)
Marín	Campo (O) (Santa María) Mogor (San Xurxo)
Meaño	Covas (Santa Cristina) Padrenda (San Martiño)
Meis	Nogueira (San Lourenzo)
Mondariz	Frades (San Martiño) Gargamala (Santa María) Mondariz (Santa Eulalia) Riolfrio (San Miguel) Toutón (San Mateu) Vilar (San Mamede)
Mondariz-Balneario	Mondariz-Balneario (Ntra. Sra. de Lourdes)
Mos	Petelos (San Mamede) Tameiga (San Martiño)
Neves (As)	Batalláns (San Pedro) Liñares (Santa María) Neves (As) (Santa María) Ribarteme (Santiago) Rubíós (San Xoán) Taboexa (Santa María) Tortoreos (Santiago) Vide (Santa María)
Pazos de Borbén	
Poio	Poio (San Salvador)
Ponteareas	Angoares (San Pedro) Arcos (San Breixo) Fontenla (San Mamede) Guillade (San Miguel) Moreira (San Martiño) Ponteareas (San Miguel) Ribadetea (San Xurxo)
Pontevedra	Campaño (San Pedro) Canicouva (A) (Santo Estevo) Virxe do Camiño (A) (Virxe do Camiño)
Porriño (O)	Atios (Santa Eulalia) Mosende (San Xurxo) Pontellas (Santiago) Torreiros (San Salvador)
Portas	Briallos (San Cristovo) Lantaño (San Pedro) Portas (Santa María)
Redondela	Negros (Santo Estevo) Quintela (San Mamede) Vilar de Infesta (San Martiño) Viso (O) (Santa María)
Ribadumia	Leiro (San Xoán) Lois (San Fiz)
Salceda de Caselas	Budiño (Santo Estevo) Entenza (Santos Xusto e Pastor) Parderrubias (Santo Tomé) Picoña (San Martiño) Salceda (San Xurxo) Salceda (Santa María)
Salvaterra de Miño	Alxán (San Paio) Corzáns (San Miguel) Fiolledo (San Paio) Fornelos (San Xoán) Leirado (San Salvador) Lira (San Simón) Meder (Santo Adrián) Oleiros (Santa María) Pesqueiras (Santa Mariña) Porto (San Paulo) Salvaterra (San Lourenzo) Soutolobre (Santa Comba) Vilacoba (San Xoán)

Concello	Parroquia
Soutomaior	Arcade (Santiago)
Tui	Baldráns (Santiago) Ribadelouro (Santa Comba)
Vigo	Bembrive (Santiago) Castrelos (Santa María) Comesaña (Santo André) Coruxo (San Salvador)
Vilaboa	Figueirido (Santo André)
Vilagarcía de Arousa	Arealonga (Santa Eulalia) Bamio (San Xes) Cornazo (San Pedro) Sobradelo (San Salvador) Sobrán (San Martiño) Carril (Santiago de Fóra)
Vilanova de Arousa	András (San Lourenzo) Caleiro (Santa María) Deiro (San Miguel)

CONSELLERÍA DE ASUNTOS SOCIAIS, EMPREGO E RELACIÓNS LABORAIS

Corrección de erros.-Orde do 7 de marzo de 2005 pola que se establecen as bases reguladoras do programa de axudas a empresarios sen asalariados pola contratación do seu primeiro traballador fixo cofinanciado polo Fondo Social Europeo e se procede á súa convocatoria para o ano 2005.

Advertidos erros na citada orde, publicada no *Diario Oficial de Galicia* do xoves 10 de marzo de 2005, é necesario efectuar a seguinte corrección:

Na páxina 4.119, no terceiro parágrafo do artigo 6º, onde di: «Cando a dita contratación se realice con mulleres, a dita porcentaxe elevarase o 40%...», debe dicir: «Cando a dita contratación se realice con mulleres, a dita porcentaxe elevarase ao 40%...».

Na páxina 4.120, no artigo 10º, onde di «...requirirán o interesado para que,...», debe dicir: «...requirirán do interesado para que,...».

Corrección de erros.-Orde do 8 de marzo de 2005 pola que se establecen as bases reguladoras do programa de fomento do emprego en cooperativas e sociedades laborais e se procede á súa convocatoria para o ano 2005.

Advertido erro na citada orde, publicada no *Diario Oficial de Galicia* do xoves 10 de marzo de 2005, é necesario efectuar a seguinte corrección:

Na páxina 4.140 o anexo III debe substituírse polo que se insire a continuación.

Corrección de erros.-Orde do 9 de marzo de 2005 pola que se establecen as bases reguladoras do programa de axudas e subvencións ás empresas cualificadas como iniciativas de emprego de base tecnolóxica (IEBT), cofinanciado polo Fondo Social Europeo, e se procede á súa convocatoria para o ano 2005.

Advertidos erros na citada orde, publicada no *Diario Oficial de Galicia* do xoves 10 de marzo de 2005, é necesario efectuar as seguintes correccións:

Na páxina 4.152, no artigo 13º punto 1 letra b) parágrafo primeiro, onde di: «De tratarse de persoa xurídica, escritura de constitución e inscrición no Rexistro Mercantil ou, se é o caso, no Rexistro de Cooperativas. Cando se trate de empresario individual ou comunidade de bens, alta no censo de obrigados tributarios do Ministerio de Economía e Facenda, alta no imposto de actividades económicas, ou ben alta no censo de obrigados tributarios do Ministerio de Economía e Facenda.», debe dicir: «Alta no imposto de actividades económicas, ou ben alta no censo de obrigados tributarios do Ministerio de Economía e Facenda.

De tratarse de persoa xurídica, escritura de constitución e inscrición no Rexistro Mercantil ou, se é o caso, no Rexistro de Cooperativas.».

Na páxina 4.153, no artigo 16º, no punto 1 apartado B, na letra b) cuarto guión, onde di: «De non achegarse con anterioridade, se o solicitante é persoa xurídica, escritura de constitución e inscrición no Rexistro Mercantil ou, se é o caso, no Rexistro de Cooperativas. Cando se trate de empresario individual ou comunidade de bens, alta no censo de obrigados tributarios do Ministerio de Economía e Facenda, alta no imposto de actividades económicas, ou ben alta no censo de obrigados tributarios do Ministerio de Economía e Facenda.», debe dicir: «De non achegarse con anterioridade, alta no imposto de actividades económicas, ou ben alta no censo de obrigados tributarios do Ministerio de Economía e Facenda, e se o solicitante é persoa xurídica, escritura de constitución e inscrición no Rexistro Mercantil ou, se é o caso, no Rexistro de Cooperativas.».

Resolución do 2 de marzo de 2005, da Delegación Provincial da Coruña, pola que se dispón o rexistro, o depósito e a publicación, no Diario Oficial de Galicia, da revisión salarial do convenio colectivo da empresa Vulcarol, S.L. (persoal de limpeza industrial da refinaría de Repsol-Petróleo da Coruña).

Visto o expediente da revisión salarial do convenio colectivo da empresa *Vulcarol, S.L.* (persoal de limpeza industrial da refinaría de *Repsol-Petróleo* da Coruña), que tivo entrada nesta delegación provincial o día 24-2-2005 e subscrito pola comisión paritaria do convenio o día 9-2-2005, de conformidade

co disposto no artigo 90.2º e 3º do Real decreto lexislativo 1/1995, do 24 de marzo, polo que se aproba o texto refundido da Lei do Estatuto dos traballadores, Real decreto 1040/1981, do 22 de maio, sobre rexistro e depósito de convenios colectivos de traballo, e Real decreto 2412/1982, do 24 de xullo, sobre traspaso de funcións e servizos da Administración do Estado á Comunidade Autónoma de Galicia, en materia de traballo, esta delegación provincial

ACORDA:

Primeiro.-Ordenar a súa inscrición no libro rexistro de convenios colectivos de traballo, que figura nesta delegación provincial, e notificación ás representacións económica e social da comisión negociadora.

Segundo.-Ordenar o depósito do citado acordo no Servizo de Relacións Laborais, Sección de Mediación, Arbitraje e Conciliación.

Terceiro.-Dispoñer a súa publicación no *Diario Oficial de Galicia*.

A Coruña, 2 de marzo de 2005.

Cristina Azpilcueta González
Delegada provincial da Coruña

Acta da comisión paritaria do convenio colectivo para o persoal da limpeza industrial da refinaría de *Repsol-Petróleo* da Coruña (*Vulcarol, S.L.*)

Na Coruña o 9 de febreiro de 2005, reúnese, nos locais de *Vulcarol, S.L.* sitios na Coruña no polígono da Grela na rúa Gambrinus, 54, segundo o estipulado no artigo 6º do convenio colectivo de referencia, a comisión paritaria integrada por:

Representación social: Javier Souza Vázquez.

Representación empresarial: José Manuel Lourido Nebril.

Iniciada a sesión acordan:

A aplicación dos artigos 46º, 9º e 10º do vixente convenio colectivo, referentes á revisión salarial, incremento económico e incremento da antigüidade consolidada para o ano 2005.

Chegado a acordo, procédese á elaboración da táboa salarial, que se xunta.

Así mesmo acórdase facultar a Lois Soto Sabio para tramitar o rexistro desta acta na delegación provincial da Consellería de Asuntos Sociais, Emprego e Relacións Laborais, para os efectos do seu rexistro, publicación e demais trámites procedentes.

Sen máis asuntos que tratar, remata a sesión sendo as 14.00 horas, no mesmo lugar e data do encabezamento.

Rubricado en proba de conformidade:

Javier Souza Vázquez: delegado de persoal (CIG).

José Manuel Lourido Nebril: representante da empresa.